

<sup>1</sup> Entschatta digl evangeli de Jesus Kristus.

<sup>2</sup> Ei stat scret el profet Jesajas: Mira, jeu tarmettel miu mess ordavon a ti, ed el vegn a preparar tia via.

<sup>3</sup> El desiart resuna la vusch d'in che cloma: Preparei la via dil Segner, fagei sendas battidas per el!

<sup>4</sup> Aschia ei Johannes vegnius ed ha battegiau el desiart e fatg a saver il batten de seolver per retscheiver perdunament dils puccaus.